

渤海國志長編

冊三

渤海國志長編卷三

遼陽金毓黻 撰集

世紀第一

渤海國志一

渤海高王名祚榮姓大氏靺鞨粟末部人乞乞仲象之子也或云高麗別種靺鞨之先出自肅慎肅慎啟自有虞一名挹婁在南北朝之世則曰勿吉亦名靺鞨居太白山之北凡分七部其一曰粟末部居最南抵太白山與高麗接依粟末水其二曰伯咄部在粟末之北其三曰安車骨部在伯咄之東北其四曰拂涅部在伯咄之東其五曰號室部在拂涅之東其六曰黑水部在安車骨之西北其七曰白山部在粟末之東南每部之間遠者三四百里近亦二百里粟末白山二部皆近高麗高麗盛時皆臣屬之唐滅高麗併其地部衆多奔散粟末之酋名乞四比

羽者同乞乞仲象率家屬徙居營州附於契丹仲象官大舍利
武后萬歲通天元年契丹大酋李盡忠反殺營州都督趙翽唐
發兵討之比羽仲象畏罪又以靺鞨故地空虛乃率所屬亡命
東奔武后赦其罪封比羽爲許國公仲象爲震國公比羽不受
命后詔右玉鈐衛大將軍李楷固中郎將索仇擊斬之是時仲
象已卒祚榮嗣領其衆引殘疾遁去楷固度天門嶺以迫祚榮
祚榮合高麗及靺鞨之兵以拒之楷固大敗脫身而還屬契丹
及奚盡附突厥道絕唐兵不能討祚榮遂併比羽之衆東度遼
水保靺鞨之故地阻奧婁河據東牟山築城居之其地直營州
之東二千里祚榮驍勇善用兵靺鞨之衆伯咄安車骨號室等
部遣人俱爲編戶高麗餘燼亦稍稍歸之

元年即唐武后聖曆元年也祚榮自立爲震國王

震一作辰

仍稱靺

韜是爲建國之始王以其父仲象嘗官大舍利遂以大爲氏遣使通於突厥

八年唐中宗復位遣侍御史張行岌來招慰遣子門藝隨行岌朝唐遂留宿衛唐將遣使冊拜會契丹與突厥連歲寇邊使命不得達

十四年冬十一月遣使貢方物於唐

十六年冬唐遣郎將崔忻攝鴻臚卿

忻一作訴

來冊拜王爲左驍衛

員外大將軍渤海郡王以其所統爲忽汗州加授忽汗州都督並以其嫡子武藝爲桂婁郡王自是始去靺鞨之號專稱渤海遣王子

失其名

朝唐十二月至長安奏請就市交易入寺禮拜玄

宗許之是歲子門藝自唐放還

十七年夏崔忻還唐

十九年冬閏十二月遣大首領

失其名朝唐

二十年夏五月遣使朝唐並獻方物

二十一年春二月遣使朝唐

二十二年春三月丁酉王薨遣使赴唐告哀夏六月丁卯玄宗詔贈特進賜物五百段遣左監門率上柱國吳思謙攝鴻臚卿持節充使前來弔祭國人上諡曰高王高王之世有勝兵數萬闢地二千里編戶十餘萬盡得沃沮朝鮮海北諸地南與新羅以泥河爲界東窮海西鄰契丹北至黑水靺鞨頗有文字及書記具有開國規模焉

武王名武藝高王之世子也初封桂婁郡王高王七年三月王薨武藝嗣立八月唐遣使冊爲左驍衛大將軍渤海郡王忽汗州都督

按冊府元龜九百六十七又有九姓燕然都督六字

是歲唐置平盧節度使經略管

內諸蕃治於營州

仁安元年春正月改元

用即位明年改元之例下放此

并建年號曰仁安秋八

月唐冊王嫡男都利行爲桂婁郡王九月唐遣左驍衛郎將攝郎中張越來約共討奚契丹

二年遣大首領

失其名

朝唐以冬十一月至拜官

折衝放還

三年遣大臣味勃計朝唐并獻鷹以冬十一月辛未至授官放還是歲與黑水靺鞨同遣使請吐屯於突厥

四年冬遣臣賀祚慶朝唐賀明年正旦

五年春二月乙巳賀祚慶至唐賜帛放還冬遣大首領烏借芝

蒙

芝一作支

朝唐賀明年正旦並貢方物

六年春正月烏借芝蒙至唐授官放還遣首領謁德朝唐以夏四月甲子至授官放還遣弟昌勃價朝唐以五月至授官留宿

衛是歲黑水靺鞨朝唐唐以其地爲黑水州王疑黑水靺鞨與唐通謀發兵擊之

七年遣世子都利行朝唐獻貂鼠以春三月乙酉至夏四月乙丑授官留宿衛遣子義信朝唐獻方物命弟門藝及任雅發兵擊黑水靺鞨旋遣大壹夏代門藝門藝奔唐唐授門藝左驍衛將軍遣臣馬文軌蔥勿雅朝唐表請誅門藝冬十一月辛丑義信至唐馬文軌蔥勿雅至唐唐處門藝於安西並留文軌等不遣別遣鴻臚少卿李道邃源復來諭旨

八年春遣臣李盡彥齋表朝唐唐復遣內使來諭旨夏四月丁未唐放留宿衛王弟昌勃價及首領等還國並授官爵賜帛有差玄宗降書慰勞王賜綵練一百疋秋八月遣弟寶方朝唐遣郎將高仁等二十四人聘於日本至蝦夷仁等多被殺害同行

高齋德等八人僅免九月庚寅至日本冬十月遣使失其名朝唐

獻方物

九年夏四月癸未王世子都利行卒於唐贈官及絹粟命有司弔祭遣喪還國秋高齋德同日本聘使引田從麻呂來遣臣蔡夫須計朝唐以九月壬寅至授官放還

十年遣弟胡雅朝唐以春二月甲子至授官留宿衛三月壬寅遣使朝唐獻鷹癸卯遣使獻鯨魚於唐賜帛二十匹遣還秋八月

丁卯遣弟琳朝唐授官留宿衛是秋日本聘使歸國冬遣弟郎雅朝唐賀正並獻方物

十一年春正月戊寅郎雅至唐賜帛二月戊寅遣臣智蒙朝唐獻方物及馬授官賜物放還夏五月己酉遣臣烏那達利朝唐獻海豹皮貂鼠皮瑪瑙杯及馬授官放還秋九月乙丑遣使朝

唐獻方物賜帛放還

十二年遣使

失其名

朝唐賀正以春二月癸卯至授官

將軍

賜帛

一百

正

放還遣其大姓取珍等百二十人朝唐以冬十月癸巳至授

官放還

十三年秋契丹遣使約攻唐九月乙巳遣大將張文休率兵越海攻唐登州殺其刺史韋俊又以兵趨幽州至馬都山唐平盧先鋒烏承玼禦之又以石塞其歸路兵不得逞玄宗命左領軍將軍蓋福順發兵遣門藝往幽州徵兵來討並遣使徵新羅兵以攻南境

十四年春唐及新羅兵俱無功而退是歲密遣使至唐東都假

刺客刺門藝未中唐捕刺客殺之唐竄王弟郎雅等

郎一作朗

於嶺

南遣大誠慶朝唐上表悔過玄宗以書諭之突厥遣使來請會

攻奚契丹王欲執送其使表請於唐不許唐赦郎雅等罪放還
十六年遣子蕃朝唐授官放還

十七年冬十一月癸酉首領聿棄計朝唐授官賜帛放還是冬
遣大首領木智蒙朝唐

十八年春正月木智蒙至唐夏四月丁未遣臣公伯計朝唐獻

鷹鵠授官

將軍

放還秋八月戊申遣大首領多蒙固朝唐並送水

手及落沒人以八月至立宗授以官又作書與王齎還王薨遣
使赴唐告哀國人上諡曰武王武王之世斥大土宇東北諸夷
皆畏臣之

文王名欽茂武王之中子也仁安十八年武王薨欽茂權知國
務

大興元年春正月改元夏六月辛巳唐遣內侍段守簡來冊欽

茂爲渤海郡王仍嗣爲左金吾大將軍

按一作左驍衛大將軍

忽汗州都

督王承唐詔赦其境內遣使朝唐請寫漢書三國志晉書三十

六國春秋唐禮立宗許之秋八月遣使

失其名

隨守簡朝唐並貢

貂鼠皮一千張乾文魚百口

二年遣弟勗進獻鷹於唐以春二月丁未至賜宴授官留宿衛

遣都督胥要德及已珍蒙等聘於日本并送日本朝唐使平羣

廣成歸國要德溺於海珍蒙等以秋七月癸卯至日本冬十月

乙亥遣臣受福子

受一作優

來唐謝賜

賜一作恩

授官放還

三年春二月唐以王斛斯爲平盧軍節度使加押渤海黑水等

四府經略處置使遂爲故事夏四月已珍蒙等同日本聘使大

伴犬養來秋日本聘使歸國是年遣使

失其名

獻貂鼠皮於唐

四年遣臣失阿利朝唐賀正旦以春二月己巳至授官放還夏

四月遣使

失其名

進鷹鷂於唐秋八月乙未唐以安祿山爲營州

都督兼平盧軍使兼押渤海黑水等四府經略使

五年春正月壬子唐以安祿山爲平盧節度使押渤海蕃使如故

六年遣弟蕃朝唐以秋七月癸亥至授官留宿衛

九年遣使朝唐賀正以春三月至冬遣使

失其名

朝唐賀明年正

旦是歲國人及鐵利部人千一百餘賈於日本船至出羽登陸守臣尋給衣糧放還

十年春正月使至唐並獻方物

十二年春三月遣使獻鷹於唐

十三年春三月遣使獻鷹於唐

十五年秋遣臣慕施蒙等七十五人聘於日本

十六年遣使朝唐賀正以春三月至夏慕施蒙等還自日本冬遣使朝唐賀明年正旦

十七年春正月使至唐

十八年徙都上京龍泉府直舊國三百里忽汗河之東唐加王特進太子詹事後又進爲太子賓客是冬唐有安祿山之亂

十九年夏四月唐以劉正臣爲柳城太守平盧節度使兼陸運押渤海黑水等四府經略使秋平盧留後徐歸道遣果毅都尉行柳城郡兼四府經略判官張元澗來徵兵馬且曰今年十月合諸軍擊祿山請王發騎四萬來會王留元澗未遣是年十二月歸道叛附祿山王遂不果發兵

二十年夏四月權知平盧節度王玄志遣將軍王進義奉唐帝敕書來聘

二十一年日本遣小野田守等六十八人來聘秋遣將軍楊承慶等二十三人同往報聘

二十二年春楊承慶同日本入唐使高元度來冬遣將軍高南申送日本遣唐使內藏全成等歸國遣臣楊方慶朝唐賀明年正旦偕高元度同往

二十三年春高南申等同日本聘使陽玲璆來冬日本聘使歸國

二十四年冬日本遣臣高麗大山來聘卒於中途其副使伊吉益麻呂來是歲唐營州陷於奚平盧節度移駐青州稱平盧淄青節度使

二十五年唐詔以渤海爲國進封王爲渤海國王加檢校太尉秋遣行政堂省左允王新福等二十三人同伊吉益麻呂聘於

日本

二十六年春王新福同日本送使板振鎌束來冬唐使內常侍韓朝彩同日本留學僧戒融來十月戒融同鎌束歸國是歲日本來留學音聲人內雄業成歸國

二十七年春韓朝彩轉赴新羅是歲遣臣王誕朝貢於唐

二十八年唐以平盧淄青節度觀察使兼押渤海蕃使授李正己爲使自是正己每歲來市名馬不絕

二十九年唐加拜王司空兼太尉

三十年夏五月秋八月九月冬十一月十二月皆遣使朝貢於唐

三十一年春三月冬十二月皆遣使朝貢於唐

三十四年夏遣大夫壹萬福等三百二十五人聘於日本

三十五年夏五月遣使朝貢於唐秋九月壹萬福渡海遇風不得還

三十六年春二月乙丑遣聘日本副使慕昌祿卒於日本夏四月遣使朝唐并獻方物遣臣烏須弗等四十人聘日本并查詢壹萬福等著落六月遣使朝唐賀正是夏壹萬福同日本聘使武生烏守來秋烏須弗還自日本冬武生烏守歸日本十一月閏月皆遣使朝貢於唐留唐宿衛王子失其名私取修龍袞事發鞠之辭云慕中朝文物故欲得之代宗釋其罪不問十二月遣使朝貢於唐

三十七年春正月遣使朝貢於唐二月辛卯唐代宗放留質王子英俊還國並御殿延見冬十二月遣使朝貢於唐

三十八年春正月夏五月六月冬十二月皆遣使朝貢於唐

三十九年王妃卒冬遣司賓少令史都蒙等一百六十七人聘於日本并致王妃之訃海中遇風僅四十六人得全

四十年春正月辛酉遣使獻日本國舞女十一人及方物於唐二月遣使獻鷹於唐夏四月壬寅遣使朝貢於唐是夏史都蒙同日本送使高麗殿嗣來冬十二月復遣使往朝唐

四十一年秋遣臣張仙壽送高麗殿嗣歸日本並致聘

四十二年春張仙壽還自日本夏閏五月丙子唐詔停渤海歲貢鷹鷄秋遣高泮弼等聘於日本冬泮弼等還

四十三年冬十月遣使朝貢於唐

四十五年夏五月遣使朝貢於唐秋唐以淮西節度使李希烈兼淄青等州節度兼押渤海蕃使

四十八年徙都東京龍原府